

Ytaliam archicancellarius, cum incremento continuo prosperorum successuum servitium indeffensum^a.

Super hiis, que vestra nobis declaravit litteris excellentia, vestre magnificentie duximus respondendum, quod sumus et semper esse volumus memores beneficii vestri nobis apud dominum nostrum summum pontificem existentibus exhibiti, ad vestra servitia expositi benigni et parati, ea que exhibitor presentium nuntius vester nobis exposuit, ad laudem et gloriam vestram loco et tempore se ad hoc offerentibus adimplere per effectum operis affectantes. Et non solum in hiis, set in omnibus nobis possibilibus nobis precipiat vestra sinceritas confidenter. Nam petitio vestra semper nobis esse debet iussio et mandatum. De quo vobis sit indubitabilis certitudo.

Datum Bunne, in vigilia conversionis beati Pauli¹.

Cetera lator, cui credat vestra excellentia nostro nomine tanquam nobis.

4.

(f. 235') Serenissimo ac illustrissimo principi domino suo dilectissimo domino Ph. Dei gratia Franc(orum) regi prepotentissimo Th. eadem gratia Leodiensis episcopus votive dilectionis affectum cum omni reverentia et honore.

Noverit vestre sublimitas maiestatis, nos vestras litteras tam primarias quam secundarias de negotio illo tam admirabili fratrum nuncupativorum militie Templi recepisse sub anno nativitatis Domini MCCC septimo, feria secunda² advesperascente ante purificationem beate Virginis, quas anticipasse cupivissemus. Scituri quod ipsi fratres pauca obtinent sub ditione nostra. Attamen pro catholice religionis sustentatione super hiis quantum poterimus et prout ad nos pertinet toto conamine et mentis ardore, avido cordis affectu libentissime curabimus exercere tanquam fidei christiane diligentissimi cultores. Verumptamen a sanctissimo patre et domino nostro summo pontifice nullum adhuc super hiis accepimus mandatum. Valeat apex dominationis vestre per secula sempiterna.

Dat. in castro nostro Hoyen(si), anno et die predictis.

5.

(f. 236) Excellentissimo ac inclito principi domino nostro reverentissimo Ph. Dei gratia Franc(orum) regi Ge-

a) So Hs.

1) 1308 Jan. 24.

2) 1308 Jan. 29.